



Šemsudin Mehmedović

Broj: 01-05 /21

Sarajevo: 21.05.2021. godine

PRIMLJENO:	24-05-2021		
Organizaciona jedinica	Klasifikaciona oznaka	Redni broj	Broj priloga
01	-50-1-	15-20/21	

1100

n/r predsjedavajuće, gđa. Borjana Krišto

U skladu sa članom 170. Poslovnika predstavničkog doma Parlamentarne skupštine Bosne i Hercegovine („Službeni glasnik Bosne i Hercegovine“, broj: 79/14, 81/15, 97/15, 78/19 i 26/20), postavljam

POSLANIČKO PITANJE

Pitam Ured za razmatranje žalbi Bosne i Hercegovine zašto na najgrublji mogući način krši Zakon o javnim nabavkama Bosne i Hercegovine i ne poštuje propise Bosne i Hercegovine u u stanju pandemija kada je za spasavanje života bitan svaki dan?

Kada će se Ured smilovati i izvršiti svoju zakonsku obavezu postupanja po žalbi izjavljenoj u postupku javne nabavke CT uređaja za potrebe Brčko distrikta Bosne i Hercegovine, te da li je neko iz Ureda za razmatranje žalbi Bosne i Hercegovine napravio neku vrstu dogovora sa žaliocem da se konkretan predmet ne rješava u rokovima utvrđenim članom 111 Zakona o javnim nabavkama Bosne i Hercegovine i ako jeste, da li je svjestan da na ovaj način spriječava spasavanje života građana?

Obrazloženje

Vlada Brčko distrikta Bosne i Hercegovine je u postupku nabavke CT uređaja za potrebe pacijenata, između ostalog i COVID 19 pacijenata, koji se liječe u ovom dijelu naše države. U ovom postupku je izjavljana žalba jednog od ponuđača koja stoji u ladicama Ureda za razmatranje žalbi Bosne i Hercegovine, dok se naši zdravstveni radnici svakodnevno nadljudski bore za svaki život bez prijeko potrebnih dijagnostičkih uređaja. Nadležni iz Vlade Brčko distrikta Bosne i Hercegovine su se više puta obraćali Uredu sa molbama za postupanje po Zakonu, ali do današnjeg dana, građani Brčko distrikta Bosne i Hercegovine su uskraćeni za ovo medicinsko sredstvo. Samovolja Ureda direktno utiče na zdravlje i život građana, čime se krši i sam Ustav Bosne i Hercegovine, a da ne spominjem da su ostali propisi na opisan način nagruhlje pogaženi i derogirani. Nepostupanje u ovom slučaju predstavlja i krivičnu odgovornost koji je potrebno utvrditi od strane relevantnih institucija koje ovim putem pozivam da se aktivno uključe. Šta više, ovo predstavlja kvalifikovano krivično djelo, s obzirom na proglašeno stanje u Bosni i Hercegovini i zahtijeva hitnu intervenciju svih organa i institucija u cilju sankcionisanja odgovornih.

Šemsudin Mehmedović, zastupnik PS BiH